



BELIEDS- EN WURKPLAN STICHTING FÛÛNS FWAR IT FRYSK (FEITSMAFUNS) 2016 o/m 2018

1. RAMT: STATUTEN, HUSHALDLIK REGLEMINT, EASKEN ANBI

1. Kêst 6.4 fan de statuten stelt dat it bestjoer op syn minst ien kear yn de trije jier in wurkplan opmakket foar de oanfolgjende jierren.

2. Ien fan de administrative ferplichtingen dy't fuortkomme út de ANBI-status is in aktueel beliedsplan, mooglik mearjierrich, mei dêryn opnaam: wurksumheden, wize fan jildwinnen, behear fermogen, besteging fermogen.

3. Dêrneist is foar de ANBI-status in aktueel ferslach fan de aktiviteiten fereaske. Dizze aktiviteiten wurde opnaam yn it oersjoch fan de projekten op de webside en yn dit beliedsplan.

De stichting presintearret himsels nei de bûtenwrâld ta ûnder de namme 'Feitsmafûns', mei as ûndertitel 'Fûûns fwar it Frysk'.

2. DOEL FAN DE STICHTING: KARBRIEF KEST 2

It doel fan de stichting is it befoarderjen fan it mûnling en skriftlik brûken fan de Fryske taal.

3. BESTJOER

It bestjoer bestiet út minimaal 3 persoanen, yn de praktyk út 6 persoanen. Dizze persoanen hawwe allegearre in bân mei de Fryske taal of Tony Feitsma. Bestjoerleden hawwe yn begjinsel in netwurk yn it ramt fan it befoarderjen fan it brûken fan de Fryske taal. Doelstelling foar dizze perioade is in ferjonging fan it bestjoer. Der wurde prikken yn it wurk steld om jongere persoanen yn it bestjoer te krijen by útstream fan sittende bestjoersleden.

4. WURKSUMHEDEN/AKTIVITEITEN

Ferlienen fan subsydze

It doel fan de stichting wurdt neistribbe troch it yn begjinsel ienris ferlienen fan subsydze oan projekten dy't earne oars gjin of mar foar in part kâns op subsydze meitsje en troch it ferlienen fan 'startsubsydzjes' yn dy sin dat it Feitsmafûns projekten dy't har geregeldwei herhelje wolle de kâns jaan wol in begjin te meitsjen en sa bekendheid te krijen, yn de hoop en ferwachting dat reguliere ynstânsjes dizze subsidiearing op in strukturele basis oernimme. Yn begjinsel sil it gean om lytsskalige inisjativen. Mar it dielnimmen mei oare subsydzjejouwers yn (gruttere) projekten is in opsje, benammen as dêrmei it doel fan it brûken fan it Frysk 'breed' tsjinne wurdt.

It subsydzjebelied sil ek de kommende trije jier wer rjochte wêze op de ferskillende manearen fan it gebrûk fan de taal: romans, dichtbundels en lietteksten, oersettingen hjirfan yn of út it Frysk, toanielfoarstellingen, sangpresintaasjes en oare, mear praktyske foarmen, dêr't it Frysk by brûkt wurdt. Dêrby wurde de hjirfoar opstelde subsydzjekriteria hantearre.

Bisûnder omtinken sil der wêze foar de neikommende mêden:

- Jongerein
- Underwiis (meartalichheid)
- Ferbining tusken generaasjes ('âld helpt jong')
- 'Mienskip' (libbensfetberheid fan Frysktalige doarpen, inisjativen fan ûnderop)

Dêrneist sil de stichting (ek wittenskiplike) útjeften finansierje of finansjeel stypje; yn it algemien útjeften dy't de Fryske taal befoarderje en yn it bisûnder útjeften dy't it libben en it belang van Tony Feitsma foar de Fryske taal en saak beskriuwe.

Oare aktiviteiten

In inkelde kear wurdt in bisûndere gearkomste organisearre, bygelyks in betinking. Dizze gearkomsten binne direkt ferbûn mei it doel fan de stichting. It is de bedoeling dat der kontakten socht wurde mei oare fûnsen mei soortgelikense doelstellingen. Mûglik kin der dan in mienskiplike aktiviteit plakfine kin yn de foarm fan in 'dei foar it fûns foar it Frysk', dêr't fûnsen har presintearje foar de doelgroepen. Dit idee sil fierder útwurke wurde. Ek stiet it bestjoer yn begjinsel iepen foar fierdergeande foarmen fan gearwurking mei oare fûnsen, as dêrmei it doel fan de stichting better tsjinne wurde kin.

5. PUBLISITEIT EN KOMMUNIKAASJE

Publisiteit algemien

Om dizze subsidyzjemûglikheid by in sa breed mûglik publyk bekend te meitsjen en de projekten dy't wy op it each hawwe ek werklik yn 'e praktyk te berikken, fan har kant of fan ús kant, docht it Feitsmafûns oan publisiteit.

Media

It doel is de media (deiblêden, radio, tv) fan relevante ynformaasje te foarsjen oer it Feitsmafûns en oer de ynhâld en evaluaasje fan de subsidiearre projekten. It bekendmeitsjen fan it fûns foar de media (bygelyks fia parseberjochten) sil dizze perioade mear prioriteit krije. Doel dêrfan is it berikken fan partijen dy't net bekend binne mei it Feitsmafûns.

Webside

De webside fan it Feitsmafûns is yn 'e ôfrûne jierren opboud en blykt sa njonkenlytsen it belangrykste helpmiddel te wêzen foar it realisearjen fan it doel fan it fûns en foar de publisiteit. Ek yn de kommende jierren sil it oer alle boegen akueel hâlden fan de webside fuortset wurde.

6. FINANSJES

Wize fan jildwinnen

It Feitsmafûns hat per 1-1-2016 in fermogen fan sa'n € 400.000. Dit fermogen is ôfkomstich út it erfskip fan Tony Feitsma. De ynkomen út donaasjes binne hiel gering. Skinkingen en erfenissen foarmje yn begjinsel de ienige boarne fan ynkomen. De mûglikheid om it Feitsmafûns finansjeel te stypjen sil de kommende jierren benammen yn Fryske fermiddens promininter ûnder it omtinken brocht wurde.

Behear fermogen

It fermogen is ûnderbrocht by in trijetal banken. By de Rabobank giet it om in betelrekken, in gewoane sparrekken en in deposito. De betelrekken wurdt geregeld, as dat nedich is, oanfolle út de sparrekken. By de Triodosbank giet it om in betelrekken en in sparrekken. By de ASN-bank giet it om in sparrekken en dêrneist in belizzingsrekken. Yn 2014 is úteinset mei in belizzingskapitaal fan € 50.000.

Besteging fermogen

It fermogen wurdt hast alhiel bestege oan subsydzjes foar projekten dy't it doel tsjinje. It Feitsmafûns krijt yn 'e regel oanfragen fan ca. € 500 - € 1.000 it projekt; der wurdt in maksimum fan € 9.000,- it jier takend foar de oanfragen mei-inoar. Dêrneist is it sûnt 2016 mûglik om ynsidinteele ek gruttere projekten te stypen.

Finansjeel belied langere termyn

It Feitsmafûns tart yn op har fermogen, omdat it fêststelde jierbedrach heger is as it rendemint op it fermogen. Dat bestjut dat it fûns net ûneinich bestean kin. It oantal projekten dat foldocht oan de projektbetingsten en de doelstellingen dy't hjirmei berikt wurde, rjochtfeardigje dat it bestege fermogen net nei ûnderen bysteld wurdt. De konsekwinsje fan eindichheid fan it fûns binnen 25 oant 40 jier wurdt hjirmei foarearst oanfurdige.

Kosten algemien

Der binne mar in bytsje kosten. Njonken inkelde needsaaklike útjeften (bygelyks foar de webside, úttreksel Keamer fan Keaphannel e.o.) komme de útjeften streekrecht te'n goede oan it doel fan de stichting. Soms wurde der kosten makke foar in bisûndere gearkomste lykas in betinking. Dizze aktiviteiten binne altyd direkt ferbûn mei it haaddoel fan de stichting.

Beleaningsbelied en ûnkostenfergoeding bestjoersleden

Bestjoersleden ûntfange gjin fergoeding foar har wursumheden, mar kinne wol har ûnkosten fergoede krije. Kêst 10: 2 fan de Statuten sprekt fan in ûnkostenfergoeding dy't ien kear it jier troch it bestjoer fêststeld wurdt en útkeard neffens in yn't foar fêststeld maksimum. Omtrint alle bestjoersleden hawwe oant no ta ôfsjoen fan hokker fergoeding ek. Mei help fan in troch it bestjoer fêststeld formulier kinne de bestjoersleden de net útbetelle fergoeding foar har ûnkosten omsette yn in jefte oan it Feitsmafûns en fan de belesting ôflûke.

7. EVALUAASJE

Kontrole projektsubsydzjes

Periodyk kontrolearret it bestjoer oft de subsidiearre projekten ek efternei noch altyd foldogge oan de kritearia dy't troch it bestjoer opsteld binne en oft de ferliende subsydzjes ridlik west hawwe.

Webside

Op de webside wurde de projekten koart neamd en beskreaun, en ek it betelle bedrach. Ek oare aktiviteiten as subsidiearre projekten en bestjoersbesluten dy't fan belang binne komme hjir op it aljemint.

Finansjeel jierferslach

In gearfetting fan it finansjeel jierferslach fan it ôfrûne boekjier (= kalenderjier) wurdt ek op de webside werjûn.